

文竹閣詩鈔肆

計四本



文竹閣詩鈔卷七

彭澤印許香標東赤城

次陳龍江秀芝明府星沙有懷原韻

春江花月已沉沉。容易秋風感慨深。匣古惟餘三尺劍。
囊空只贖一張琴。鵬鵬欲展摩天翼。葵藿常傾向日心。
潦倒不堪重對鏡。鬢絲時有雪霜侵。

湘汀杜若望中收。寫怨離騷感客游。有舍頻移渾莫問。
無田可種又何求。潛心碩學推陳澹。洗耳家風愧許由。
幸與論文聯臭味。時在首郡同校試卷一回把襜一綢繆。

陰濃楊柳未衰殘。楚水吳山眼界寬。盜寇幾人臨鄂渚。
文竹閣詩卷七

時楚北烽烟未息探春七次上長安。從前尙記逢場樂。到此方

知行路難。怕對秋中明月影。五年不在故園看。

望衡九面繪成圖。遣興頻斟酒百壺。嶽峻雲開雙眼豁。
湖平水淼一塵無。征鴻爪跡猶留雪。老馬奔馳可識途。
卻笑王喬抱仙骨。何時駐馬驗雙鳧。

初秋南城獨酌用白香山首夏南池獨酌韻

世緣結已淺。道根入未深。時當月照戶。忽聞風滿林。梧
桐葉乍墜。鼓角聲初沉。孤燈聊獨坐。何處覓知音。倚樓
驚弄笛。撫几慵彈琴。飲此杯中物。乘醉發長吟。怪底雲
猶臥。出岫豈無心。

新涼

幾陣西風緊。藤牀一枕涼。誰家動刀尺。新製嫁衣裳。

自歎

風雷與蟲鳥。都抱不平鳴。觀此淒涼景。能無歎息聲。觀書尋樂境。借酒破愁城。搔首天難問。人心有定評。詎弗識時勢。胡爲慕寵榮。家貧升斗急。世亂別離輕。一轉羨田園樂。團樂叙至情。干戈經擾攘。消息未分明。落拓他鄉滯。倉皇午夢驚。問年傷老大。鬢髮雪盈盈。

答恩筱農

榮

同年再疊前韻

文竹閣詩

卷七

二

伏櫪三年久。何時老驥鳴。壯心雄且傑。萬籟寂無聲。薄酒斟千遍。音書擁百城。嗚呼逢月旦。傾耳聽公評。

蒲院春花鳥紛紛。各向榮芳心。承露沃矯翼。御風輕老鶴。聲誰和。孤松陰未成。年來殊潦倒。誤我是虛名。

幸有苔岑契。論交不世情。書來詞倍摯。詩讀眼偏明。能使鬼神泣。頻教風雨驚。名言叅妙理。從此悟虧盈。

答恩筱農同年三疊前韻

不圖吟興健。大小叩皆鳴。朗朗洪鐘響。琤琤玉磬聲。三秋聯舊雨。五字築長城。咳唾隨風落。挑鐙子細評。

莫逐林泉願。偏希竹帛榮。聰明慙我誤。飄泊覺身輕。豈

自貽伊戚翻教玉汝成小山有仙住淪謫亦知名

吟聲何不斷好友倍關情水落石方出雲開山自明大

才天所膏達識夢無驚惟子賡同調常虞小器盈來詩有器

小清盈懼之句

題朱石樵孫詒觀察戎馬省親圖集詩經

無父何怙哀此惻獨母氏劬勞既生既育愛我父母亂

我心曲一解京師之野道阻且右不日不月我行永久

維日于仕不遑將母二解薄言旋歸將母來諭題彼脊

令汎汎其景願言思伯至今爲梗以望楚矣蹙蹙靡所

馳三解狄彼東南未有家室母兮鞠我可以永日宜岸

文竹閣詩卷七

三

宜獄莫或遑息母氏聖善而多爲恤歸哉歸哉每懷靡

及四解我征徂西悠悠我里言秣其馬既挾我矢我是

用亟惟桑與梓五解哀我征夫靡依匪母曷云其遺疢

如疾首焉得諼草以祈黃耆六解母曰嗟予季孔亟我

圉匪勉從事亂庶遄阻肇敏戎功以穀我士女七解驅

馬悠悠江漢浮浮踴躍用兵如川之流爲王前驅我獨

不敢休明發不寐憂心且妯八解母也天只遭家不造

有懷二人載色載笑我不見兮寤辟有標九解念我獨

兮嬖嬖在疚父兮母兮天命不又如可贖兮追恤我後

十解

次家彙伯之叙明府九日書感原韻

年年風雨滿城寒。今日晴明笑倚闌。帽是參軍吹落未。
酒非元亮送來難。每懷骨肉情牽夢。差喜親朋手握歡。
落拓不須增客感。黃花且當故園看。

聞雁寄友人書

鴻雁嗷嗷靡所居。稻梁苦計爲飢驅。邇來我亦貧同沈。
寄遠憑傳乞米書。

漫興

鳳皇鳴高岡。鸚鵡初學語。鳳皇翔千仞。鸚鵡未生羽。
毛漸長成一。轉百媚。生主人偏屬愛。四座客心驚燕雀。
文竹閣詩卷七

四

爭來賀隨聲。競附和鸚鵡。與翩翩鳳皇。不如我。
桃李當春艷。之子交稱羨。松柏處其間。流俗如未見。倏。
忽風雨摧殘花。飛片片。惟茲松與柏。經霜色不變。巖阿。
老其才堅貞。不自銜誰識。歲寒心。精金經百鍊。

寄家書口占

七上春明博一官。三年夢不入邯鄲。茫茫宦海無涯岸。
欲寫家書下筆難。

秋懷十首

木葉蕭蕭下。秋聲滿洞庭。波翻三楚白。山擁九疑青。蘭。
佩香分吐蘆花雪。繞汀宵長殊寂靜。有客夢初醒。

憶到潯陽渡江分九派流遙看今夜月照見故園秋客
送陶潛酒誰登庾亮樓逢人頻問訊扼腕不勝愁

慘絕娜嬛地俄驚火付秦青燈誰起草鄉味我思蕪空
詡曹倉富依然范甌貧毀家如紆難往復繪流民

記得臨行日猶憐客路艱老梅依石榻雛鶴款松關問
我都門去何時故里還滄桑更倏忽怕聽念家山

安居何處是穎洛泊孤舟看竹開吟館聽泉上酒樓湖
山羈客憇風雨故人留草色秋猶綠王孫感舊遊

足跡三千里知心一二希撫時常懼老作客竟忘歸轍
涸魚思水林深鳥倦飛炎涼嗟世態塵碌悔前非

文竹閣詩

卷七

五

行止真無定看花去又來那堪辭汴水還復上燕臺壯
志餘琴劍閒情託酒杯君恩常欲報愧未有涓埃

深悔如棋局從前着子差當場難制勝退步苦無家海
國秋來燕荒城日暮鴉挾書何處上欲問賈長沙

到處遭蹂躪烽烟尙未平儒生豈無策桑梓最關情察
落依親友艱難惜弟兄秋蟲不解事偏向耳邊鳴

山林與鐘鼎兩事悔蹉跎知已凋零半中年感慨多是
非渾莫定天命究如何一笑且沽酒逍遙好醉歌

禽恩小農再疊前韻

閒緘雲錦麗妙筆肖黃庭報國心同赤憐才眼獨青孤

鴻飛遠浦白鷺浴前汀讀罷驚人句高眠爲喚醒
借慮全消却天然雅韻流相思會脫草紀侯又驚秋
暝風生座銜杯月上樓不辭于日醉難遣別離愁
卞和空泣楚季子在遊秦飄泊如浮梗江湖賦采菀病
非緣歲歉仕却爲家貧翻羨陶徵士甘爲隱逸民
讀書今不易入世古來艱鎮日疎慵慮斯民痛癢關襄
琴殊冷落匣劍可飛還幾度望衡嶽故鄉無此山
深人無淺語浩蕩仰虛舟本是雕龍手爭開五鳳樓連
編佳句遞三接妙香留何幸廿年友湘湖共宦遊

文竹閣詩

卷七

六

瘦驚秋老聲清淚月飛自慙齒加長未敢說知非
連朝吟簡至惠我好風來自信人如玉誰延士築臺湘
靈開鼓瑟曲水憶流杯一片光明鏡開奩洗盡埃
無端千里謬只是一豪差行路難如蜀頻年客當來書
羞遲寄鯉字笑拙塗鴉間倚瀟湘竹江干走白沙
鴈來芳草綠潮落半湖平叫破三更夢勾留萬里情君
非難作弟我卻恥爲兄空谷吟聲滿霜鐘夜半鳴
解頤聞妙語鼓舞慰蹉跎此曲原難和爲文詎厭多騷
詞應續屈官閣可開何倘得東風便鶯花笑且歌

夫子才華富，頻開著作庭。胸中融雪亮，足下養雲青。風翁

屢分校秋闈三湘，各下士多出其門。吸盡西江水，遊經杜若汀。廿年塵網

落一夢，醉初醒。

兩度洩輿涉，酣眠慣枕流。清風攜兩袖，舊雨晤三秋。許

入白蓮社，相思花萼樓。遠觀無俗景，一醉掃千愁。

肥瘠相看久，何分越與秦。閒裁諸葛菜，空憶季鷹莼。世

亂原同病，文多不濟貧。此心追杜老，憂國更憂民。

催科甘政拙，撫字恤民艱。叱馭爭馳阪，鳴雞雜詎度關。會

舉旗幟出，亦聽凱歌還。誰道無奇策，將軍米聚山。

浮沉隨上下，泛泛宛揚舟。猶憶聽春雨，曾同坐小樓。春前

文竹閣詩 卷七

七

于役散興與砥翁會作平原十日之飲秋風驚候忽，湘水任勾留。款段難

驅策，方憐馬小游。

琴堂聲乍寂，始覺太音希。舉世皆如醉，先生胡不歸。雙

鳧留久滯，六鷁退難飛。輾轉不能寐，穢然悟昨非。

萬斛詞源湧，獨驚汨汨來。胸羅星宿海，名重秘書臺。鎮

日休拋卷，終朝不放杯。昇平應報會，莫謂乏涓埃。

亦有知人哲，持衡識不差。由來作良牧，多半屬儒家。德

並追風驥，慈同繞樹鴉。無何墮窻海，身世困泥沙。

故鄉憑緬想，何日賦承平。姻結朱陳誼，交聯管鮑情。却

輸刀筆吏，不識孔方兄。用苦為飢驅走，飛鴻澤畔鳴。

故人勞問訊酬唱不踉蹉連日與恩同年唱和甚多老去吟情健年

來酒債多予懷會若此君興更如何各理千秋業隨時

好詠歌

再畲恩小農四疊前韻

君家傳世業詩禮舊門庭守口圭吟白潛心簡汗青昔

遊隨鄂渚恩同年於壬辰年隨侍鄂江新夢契沙汀好伴冬山睡沈

酣喚不醒

襟期原灑落託業本儒流修禊盟蘭譜相逢記麥秋同

廿年於客夏初晤星沙洞庭同泛月黃鶴獨登樓俯仰懷前事烟

波洗別愁

文竹閣詩卷七

不料千戈起年饑又報秦劇憐輸蟹稻那許問鱸莼久

客類移舍居官尚喜貧託棲如得地觴詠葛懷民

敢詡顰能效深知學步艱八父推妙手三疊唱陽關壁

擬收殮返珠羞賣犢還愚公慙妄想有志漫移山

自顧方飄泊身如不繫舟帶將滄浦月直上岳陽樓踪

跡真無定天涯尙久留杖頭羞澁甚並乏百錢遊

興豈催租阻翻如鼓瑟希連日詩債極忙君詩因以遲和征鴻遲遞信

客燕倦忘歸每聽風聲警偏驚羽檄飛人民與城郭故

國想全非

同入春風座時時拂面來梧桐新院落楊柳舊樓臺劍

懶彈長鈇書還借玉杯都經雲水洗好句淨浮埃
雨兩時相較予情總覺差敲棋逢敵手宗派各成家翹
企聯拳鷺迴旋接翅鴉長安途憶昔面目撲風沙
升沈隨運付奚俟問君平於此少佳趣焉能無俗情窮
途依好友家政仗諸兄人事偏顛倒泉從屋上鳴
不憚推敲苦休嘲歲月跬雨餘新霽少風過夕陽多搔
首天難問驚心老奈何便當留客飲對酒好高歌

再倉郭砥瀾五疊前韻

臭味相投久蘭言契謝庭醇醪浮大白爐火仰純青鳥
化飛鳧渚翎修養鶴汀明珠遺海底驪睡不曾醒

文竹閣詩

卷七

九

狂瀾驚欲倒幾柱砥中流屈子吟三楚歐公賦九秋各
山思北固皓月憶南樓勝地傾頽盡湖猶號莫愁

曾入桃源路尋幽好避秦鯉魚風偃草鱸膾味思莼樹

記劉卽種

客秋九月于役洪江同省
道經桃源晤劉石渠明府

寒憐范叔貧斧柯

何日假未敢說親民

無逸重披簡深知稼穡艱織耕誰獻壽憂樂總相關人
事多翻覆天心重好還蒼生待霖雨引領望東山

徐陳曾共榻李郭喜同舟目覩他鄉月心馳故國樓重
簾春燕入空谷白駒留刻燭添吟興渾忘是客遊

富貴非吾願知音世所希田園荒莫種道路阻言歸易

轍鳴鸞返回帆畫鶴飛浮生真若夢惆悵昔人非

蓬門荆自翦得得幾人來美玉豈無價黃金何處臺消
圃詩一卷排悶酒千杯幸有同吟者冰心不染埃

一唱兼三嘆高歌興不差愁深長作客夢幻枉思家道
遠驚飛鵲寒深懶畫鴉稻梁無計覓孤雁落平沙

婚嫁關心甚會輸向子平浮萍羈客恨落月故人情林
語知求友雲根拜作兄夜猿啼不住料得警霜鳴

天涯共淪落將壽補蹉跎成退步山程遠閒中樂趣多
對書慙未見攬鏡感誰何老矣心猶壯狂吟梁父歌

次小農晚眺原韻

文竹閣詩

卷七

十

亦上城南望蒼茫影不分杜陵懷舊雨元亮詠停雲涼
意江間逼秋聲月下聞文章有知己冀北早空羣

吟壇真健將豪興入青冥院落迎紅友江湖隱客星菊
殘留晚節梅綻破寒汀更結同心譜休分彼此形

題白秋稼西湖草閣圖

湖天雲樹翠回環萬朵芙蓉水石間社入耆英邀九老
教人那不憶香山

次小農同年舟中偶成原韻

也會書畫載扁舟晚泊襄陽記少留顧影團欒天外月
隨波上下水中鷗賦成赤壁遊將遍策擬長沙願木酬

誰向樓頭橫玉笛一聲吹散旅人愁
一官袍繫楚江濱自笑行厨既有塵打漿難爭今日渡
揚帆遙憶昔時春元龍湖海超羣輩伯玉年華愧五旬
欲續離騷增感喟纏綿惟語箇中人

送劉丹臣

觀光入都赴選九言

我聞蜀道之難難如上青天君非西走蠶叢與鳥道何
亦困阨如斯之顛連故鄉蹂躪已不堪駐足身纏磨蝎
塊壘胸中填茫茫四顧不知何所往逐流隨波遂泛洞
庭船詩囊行李鶴子負一肩苦爲飢驅我見心猶憐我
愧杖頭久乏沽酒錢行吟澤畔空把離騷編季子裘敝

文竹閣詩

卷七

十一

那復綈袍贈相對范叔輾轉徒憂煎豈無同鄉懋遷踞
市屨翩翩裘馬腰間十萬纏卽教覲面亦復銜白珣結
交黃金誰如管鮑賢幸有斯文一脉臭味聯錢刀投篋
情意更纏綿到底依人自古非長策縱逢好友焉能計
萬全自顧名場寸步皆迍邐爲君籌畫徹夜不能眠滯
陽江上已無半畝田兩粵東甌到處起烽烟近聞中州
道路尙平平妖氛漸靖猶可通幽燕胡弗側身西笑長
安道繙衣席帽猛着祖生鞭跳出塵凡世界入清妙同
心舊雨況有蓬萊仙桑弧蓬矢原是男兒事春秋及艾
正屆服官年請君登車踴躍快爭先乘風振翮行看萬

里騫

恩小農以和向子仲詩見示卽次元韻奉答

夙結苔岑契，驚心十八年。知君有仙骨，引我聳詩肩。高
詠欽邠老，酣眠愧孝先。鈍根如解悟，頂上盼光圓。

關河經閱歷，雄鎮溯居庸。風月談今夕，雲山隔幾重。北
門同鎖鑰，午夜聽村舂。旨蓄田家供，盤餐足禦冬。

自笑陶彭澤，黃花傲九秋。琴書饒雅尚，詩酒樂賔酬。北
雁驚鄉思，西風攪客愁。烟巒添爽氣，緬想久佳樓。

風騷推屈宋，合讀歎才難。沅水曾培芷，湘湖孰采蘭。長
裘人盡蓋，廣厦士無寒。更喜聯吟伴，同登李杜壇。

文竹閣詩

卷七

三

書曾亦南少尉闔門殉難事略後

壞雲湧天腥，風狂鼠輩紛紛跳。陸梁早知漢陽堅，城破
翻悔全家移武昌。少尉繼室姓蔡氏，生長宦族習詩禮。
自念寇氛勢甚張，脫不能濟唯有死。維時少尉客長沙，
次男仗劍久離家。桃源豈無避秦路，胡然坐守聽悲笳。
孺人獨能伸大義，文昌門陷不潛避。陳門女姪已先死，
往問頻下數行淚。俄驚蟲沙蔽天黑，大朝街頭日無色。
厲聲罵賊憤填膺，子規嗁號淚如血。可憐青絲逼命時，
兒縊左側女右側。歸甯有女亦捐軀，行路聞之腸斷絕。
吁嗟乎死者已矣不復生，生者欲死難爲情。情況復幽蘭

經火焚美人黃土泣東城。次卽欲渡神人憤彎弓力射。
高埔隼詎知壯志猶未伸。痛絕餘生倏又盡。成仁取義
爭須臾。一門勇烈申寰區。卽今烽烟漸次盡。痛定思痛
增歎歎張子。蔗泉郭公。砥瀾心齊折爲傳。悼詩哀節烈我聞
少尉述家難。含情使我心如結。人壽良難如靈椿。苟延
殊愧丈夫身。合家殉難爭慷慨。大節無虧名長存。朝
廷指顧旌其閭。烈女竒兒荷。天衢大筆自慚非。董狐
據事紀實唯直書。

陳母錢孺人殉節詩

君不見天待庸人多優容。無灾無難到龍鍾。而待奇人
文竹閣詩

卷七

三

多磨折。盤根錯節彰義烈。母生於錢適於陳。相夫孝廉
名洪鈞。元龍意欠睨淮海。孟光井臼嘗苦辛。聞昔從夫
宦新田。蝶圍焚香。言天滅糶練勇勦醜類。一一都資

內助賢。俄焉歸來輟長整。道逢鶴唳風聲警。松木墟前
夫成擒。勢窮蹙兮靡所駢。四圍草木皆甲兵。倉皇無
計心怛怛。拋棄乳子奔賊所。誓以身死代夫生。可憐泣
行山口塘。子女相逢悲且傷。厲聲罵賊賊益迫。一池明
月葬香骨。是時咸豐壬子冬。月之二日。母含笑歸塵事
畢。子脫父難。夢魂驚。妻代夫死綱常立。獨惜青葱女貞
木。何反突遭此荼毒。謂天變格佑斯人。張公潤農論極平允不禁

同聲爲一哭。念自蟲沙擁東南。金粉飄零幾莫堪。巾幗
從容獨就義。鬢眉對此能無慚。行看入奏闡其幽。五花
官誥錫宸旒。據實敷陳告同儔。此母此事俱千秋。

供菊

清高品格堪欽。寒瘦秋容誰寫。差欣入我座中。不肯寄
人籬下。

相逢客路三秋。如對故園五柳。借問彭澤先生。可有白
衣送酒。

次恩小農寄柬元韻

冀北江南各一天。宦游同轍倏經年。偶隨喚渡頻招手
文竹閣詩卷七

古

時發狂吟笑拍肩。菊傲秋霜知節晚。梅開庾嶺占春先
記會共步城頭。月照見離人幾度圓。

大才原不矜奇異。小試偏教軼俗庸。獨闢町畦芸萬頃
別開門戶列千重。投來李賀囊中錦。聽到梁鴻廡下春。
無計消愁聊唱和。敢誇文史足三冬。

生怕雷同欲語羞。沈思下筆定千秋。琴摺柳惲音譜續
劍贈張華願未酬。雪後泥鴻留有跡。隍中蕉鹿夢俱愁。
輸君十幅蠻牋劈赤手。能修五鳳樓。

耽吟誰道不宜官。能吏醇儒兩美難。一氣相親華詠棣
同心有語臭如蘭。愛深冬日頻添暖。律轉東風漸戒寒。

寄語詞場須努力掃軍名將又登壇

謂郭砥翁

題辜鏡舫年伯弄孫采芝圖

爲守庵同年作

踏遍天涯塵萬斛何如消受林下福浮沈宦海驚風波
曷若醉歌山之阿所以淵明輕五斗歸隱柴桑解組綬
門垂五柳徑孤松隨時輒飲黃花酒今聞婁村有老人
釣遊山水娛天真鏡日蒔蘭已滿室十年種樹皆成陰
懸厓千仞如壁立綠楊堤下泉流石讀書時坐秋樹根
舍館載酒携童孫雙雙總角擷芝草合解佩香承色笑
九光團聚年齡延三花燦若科名兆老人顧樂渾忘老
寫生逼肖商山皓層層玉樹起階庭畢竟畫工畫不到
文竹閣詩卷七

圭

我欲登堂笑語親仰瞻道貌已心欽安仁板輿當迎養
行將蕭拜園中人

輓莊寄漁

心岸

太守卽依其去秋五十初度原韻

廻環疊成二律

太息湘南失斗山啼襟愁鬢雨成斑飛仙早信鳧留鳥

寒夜誰教鶴守關池草飄零春夢冷

令兄西樵先生聞
今春卒於京師

楓林黯澹暮雲閒養生論久挑鐙者惜少金丹藥駐顏

蕭颯西風慘別顏人生到此始能閒廻思酒殘悲陳迹
嶺有吟魂返故關趙傳琴拋清響寂羊公碑墮淚痕斑

交情况結苔苔契

亦同
柳譜

落葉何堪雪滿山

梅花

世路樞樞托足難
梅花丰骨幾人看
休隨桃李爭春艷
喜與松筠耐歲寒

僧周彌生小飲有懷

家住方湖上月夕
秋風高右手把酒琰
左手持蟹螯
醉宵畢吏部時還詠
老饕久別江鄉味
尖團誰壓糟
幸遇

周公瑾高談飲醇醪

陳雨山備格

明府挽詩

希夷身世本仙鄉
秀挹嵩峰仰大梁

籍隸汴梁

早識霓旌移

雨浙

歷任浙江泰順慈谿上虞玉環等縣縣

忽驚卽宿隕三湘
宛銜精衛

文竹閣詩

卷七

七

填瀛海恨抱靈均叩
彼蒼痛憶桃花飛
洞口問津竟莫

渡慈航

題補武陵尙未到任

郭砥澗中翰以與松階

景春

明府唱和詩見示卽

用原韻奉舍

珠遺終在澤烏倦漫投林
老友梅千樹知心月一岑
深

沉無淺語唱嘆有餘音
可許入蓮社聯牀抱膝吟

自笑身奚似醯雞甕裏天
浮沉姑任運去住且隨緣
賈

島心原佛東坡骨是仙
一齊難學得風致想飄然

臘八夜不寐枕上口占

胤敢齶齶警四更
繩牀輾轉聽雞鳴
端因日食雙弓米

惹得黃梁夢不成

書唐鑫門

卷

同年圍棋新譜後

消閒一局付楸枰舊譜重翻選益精慚愧當場輸慧眼
縱橫黑白不分明

清簟疎簾手一編白雲端裏小神仙何時入座容王質
柯爛山中不計年

會丁松階仍用前韻

既難入廊廟復莫返山林歲晚盟三友枝棲共一岑機
忘齊物論愁逼楚辭音入社翫嫌晚爭酬白雪吟

琴梧桐間響棋談橘裏天半生疑夢寐小住亦因緣旅

友竹閣詩

卷七

七

跡終嫌幻詩心合雜仙百忙還自得此性本恬然

郭砥灑留寓齋小飲卽用其柬薛鳳墀招飲元韻

奉謝

星垣位置指郎官杖履優游太古冠每觸秋風吟楚澤
時逢舊雨話嚴灘

鳳墀係
浙江籍

人原仙骨誇同儻客感臣飢

竟勸餐恰好香厨煨芋熟圍爐且當熱中看

成胸有竹眼無花華髮耽吟興靡涯解榻曾迎徐孺子
陳書欲問賈長沙登樓入夜同聽雨倚閣無才賦落霞
宴罷猶聞歌鼓腹燈紅酒綠艷鄰家

歲暮柬郭砥灑

天寒木落洞庭波，彈指光陰似擲梭。
風鶴雪鴻增感慨，山林鐘鼎兩蹉跎。
一年好景催將盡，幾卷新詩積漸多。
不覺雪霜侵短鬢，顧生髀肉費摩挲。

共君榆社締朱陳，薄宦同游誼更親。
吟伴杜陵何太苦，交深鮑叔始知貧。
漫憐抱璞三投楚，翻笑裁書十上秦。
一事關心拋不得，家山烽火劇愁人。

鄉音梗絕又經年，殘臘相思百慮牽。
水立雙鐘猶有石，秣荒三徑已無田。
池生春草應同夢，寒到梅花想未眠。
不識鶴雛初學語，可曾舊業守青氈。

待雪圍爐笑語溫，相逢北海卽開樽。
蘊鱸入爨分鄉味，
文竹閣詩卷七

六

蕉鹿尋踪有夢痕，喚醒繁華忘世態。
喜從空寂悟塵根，還山且訂他年約。
共抱遺經課子孫。

接家兄丹林書

兩載無消息，殘年感索居。
飛來千里鴈，遺到一雙魚。
世亂功名淡，家貧骨月疎。
誰培堦下草，藝圃惜荒蕪。
兩地江湖隔，平安卽好音。
休嫌投片紙，直可抵兼金。
語異賓朋泛，情惟手足深。
恰當風雨夜，如聽對牀吟。

郭砥澗親家以丁巳元旦口號見示次元韻奉答

旭旦回春早，新詩脫筆初。
廿年平雀鼠，老眼註蟲魚。
竟體同冰潔，開懷若谷虛。
屠蘇方飲罷，想見興酣餘。

風波來宦海何處覓安居且整堂堂陣行招子子旗甘
棠歌勿翦薏苡謫終除况復忠用瀝激陳賈誼書
自笑身無着浮萍七尺軀未能行作吏翻悔誤爲儒歲
序雲過眼年華雪染顛涓埃虛報倉俯仰一長吁
憶昔皇華賦相逢惜載驅關情披竹素轉盼換桃符我
尙鴟鵂雪君原馬識塗指迷如得路鱣詠樂吾徒

紀夢

六年身不到家山底事家山夢裡還莫是烽烟今掃盡
柔陰十畝得閒閒

梅花隱約一枝馨池草階蘭色尙青記不分明湖上路
文竹閣詩卷七

九

殘山剩水昔曾經

清風引過故人莊滄海桑田詎正長無那鐘聲驚夢醒
此身仍臥在三湘

和雷竹安同年留別茶陵士民原韻

眼角青青柳正垂騷歌疊唱雜歡悲寂難去後人思慕
記否登程飲餞時

望斷江南庾信哀瘡痍待復藉全才輸君赤手圖長策
曾挽狂瀾旣倒來

不羨多金只羨貧一身清白話酸辛登場傀儡爭遊戲

誰識牽絲暗有人

機槍星隕靖妖氛四境絃歌滿耳聞更向驂壇張一幟
橫空筆陣掃千軍

見說宵燈別救蛾寢難安枕喚如何至今夢裡猶驚悸

都爲蒼生得疾多

時偶抱微恙

校士高文喜細論自然宵小敢江村參芩上品都歸籠

桃李穠華半在門

迴憶苔苔結故鄉忽離忽合判閒忙同心到底心俱熱

不似清秋一味涼

湘南作客幾經秋宦海茫茫悔遠游絕似扁舟行上水

長風不過獨淹留

文竹閣詩

卷七

七

仕學如君信有餘隨風咳唾綴瓊瑤搜羅廣識知名士

多感開厨贈異書

斯久相親手莫分闕情詎止爲斯文無心出岫無心人

都仗晴天養片雲

訪郭砥澗喜晤其令門郭意城孝廉屈午村陳雨

蒼雨茂才

臬比一座講筵開綠竹堂前巡隊來化雨記曾滋灌漑

春風還欲荷栽培論文各衍西江派遣興同領北海杯

我亦不期相遇合聽經何幸共追陪

接家書次五兄丹林見懷元韻

消息聊憑一紙通忙披差慰別離哀驚回舊夢辭燕北
悔負初心到浙東

余原籍台州向有浙游之志至今未果

世路周旋殊鹿

窮
鹿老年氣概尙熊熊家居幸免塵生甑客裡囊空計轉

惠我春風特地來北窗冷臥忽陽回語逢眞摯腸原熱

看到平安眼更開憶昔詩牀同纒綵邇年樽酒孰追陪
雙橋水接長江淼悵望蒹葭倍溯洄

判襪驚心倏六年開械最喜讀新篇雨風易觸坡仙感

書畫遙思米老船

兄頗善書畫

酬酢賓朋懷月下圓樂兒女

憶燈前行踪可似衡陽雁結隊青天斷復連

文竹閣詩

卷七

三

星聚常懷舊講堂釣游挈伴話斜陽涼驚東閣新秋夜
心熱南豐一瓣香無那相思分兩地還期尋約到三湘
桑榆晚景身爾健覽鏡休嫌鬢點霜

陶遷之招同雷竹安陳風疇德菴昆季聚飲寓齋

君是淵明幾世孫依依五柳正當門寄閒偶掃花三徑
愛客頻開酒一樽衣敝貂裘輕尙暖爐然獸炭火常溫
交情眞覺如膠漆小醉高眠枕石根

俞石年明府

鳳翰

招飲茶話山房

僑居何處滌煩襟獨有騷壇俗不侵才本豪華歸澹雅
地雖城市却山林好談風月邀紅友漫整衣冠坐綠陰

青眼正垂橋畔柳半池流水洗塵心

送吳謩周

敘榮

孝廉入都赴選卽用其丙辰三月

初八日元韻

共慶彈冠沐正新一鞭催踏軟紅塵
椿萱喜花開甲桃李欣逢艷及辰
脫稿夙欽才子筆出山暫現宰官身
瓊林珠蕊香無價尋徧蓬萊浩蕩春

奔馳策蹇記還轅紫陌探春定者番

原作有何時更遂青雲志走馬頻探

紫陌春

共識磨礮懸寶鏡任從斟酌到衢尊
長安眼底

添雄壯雲夢胸中久吐吞此去飛騰應萬里莫忘乘化在龍門

文竹閣詩

卷七

三

春夜邀集雷竹安馬耕三郭挹西周彌生小飲樂園

楚雨連朝湖天黑鷓鴣啼徹行不得一朝風師掃寒雲
現出洞庭明月色開門忽瀉金波光千里遙情深故鄉
圓開桃李招勝友杯流曲水飛霞觴暢飲不辭花前醉
春風啜茗徐破睡聽罷雜談窗外聲林間鳥語東方明
竹安同年因恙告退以和郭砥瀾見贈詩出示仍

用砥翁元韵奉會

斗酒曾聞室久藏維摩且和藥同嘗名場滋味原來澹
宦海風波及早防不信窮愁真有例從知得失本無常

行蹤好似雲歸岫恐負蒼生引領望

閒愁都爲利名釣獨滌塵根氣得秋笑傍槐柯驚夢螿
且隨牧笛坐橫牛廿年湖海爭豪放三楚江山任去留
退步神仙容嘯傲羈鴻結伴好南游

也曾踏徧軟紅塵底事歸田遽守真奈抱相如消渴病
難輕杜老苦吟身雕蟲漫說賡同調磨蠍還須索解人
瞻斗終當騰劍氣卽看下筆已如神

春晚送周礪生歸里

連朝細雨濕苔痕午夢騰騰晝易昏花落餘醺偏惜別
絮飛楊柳亦銷魂湖平草綠辭湘水酒泛蒲香到故園

文竹閣詩

卷七

七

極羨全家都色喜忘憂更有北堂萱

題楊八愚

尙鼎

明府行雲流水圖

作官作父母赤子眼前皆新息小兒女名都賈姓排四
境一家視香秀環庭階認是東山傳母乃非其懷

雲行無着相水流無任波以此入縑畫寫意當如何心
超四大界紅翠淡與過豈必證空色春風融太和

題楊八愚課孫圖

老夫夙有傳經志斐几湘簾自課孫前度栽海棠蔭遶
暮年種竹視田存早知清白風原古始信詩書好共敦

漸愧階蘭虛手植滋培惟受故人恩

題向陶言擬遊五嶽圖

杜門不出手一編鬱勃奇氣何由宣足跡必欲徧天下
探幽鑿險無時閒何如天池石室列眼前秦松漢柏紛
鈞連秀削芙蓉石吐蓮岩洞都藉丹青傳向公愛遊得
遊趣日對尺幅開心顏撫琴動操泉山響與酣落筆生
雲烟我披此圖思渺然瞻顧徘徊樂林泉詩成嘯傲雙
不借置身如在翠微巔

題劉子重

銓福

別駕所藏河間國君子館甄文拓

本

漢儒事訓詁字義日紛紜賢王得真秘闕館列箴銘典
文竹閣詩卷七

三

型仰羣哲文質稱彬彬輪誰扶大雅共究道義根劉君
嗜古篤惕惕凜躬行名教有樂地春風瀛臺生本此愼
獨意對之彌相親摩挲歌愷悌斷甃等奇珍一日召王
臣取斯吾亦云古訓既是式上游應力爭千秋寶遺墨
萬古傳斯文相與期實踐共副君子名

雜興

南山有喬木其間百草生託根本同岑雨露沐應均翠
葢蔽天日豐蔚凜風聲蒙茸諸小草落落難相親使其
有本性松栢世所欽要其心屈曲攀援近柔藤居高心
招忌履險終難平四面悲風來拔此大樹根本實已先

撥枝葉何足云顧茲巖下草欣欣猶向榮倘得承王露
亦復抽金莖

幽蘭石上生置身與眾殊移入綺窗中共臭喜同忌其
葉判肥瘦其花分菀枯詎知稱沃壤含蕊未全舒瘠土
抽層箭蔚然秀色敷盛衰有何定成見執多誣倘其慎
取舍切勿輕毀譽

美玉韞于石初莫辨瑕瑜良工琢成器始信爲璠璵馬
不逢伯樂誰識千里駒劍不遇雷煥空射斗牛墟取人
無以貌資格休相拘請看忠義士恒僻處偏隅

馴馴雙棲鳥擇木高結巢維鳩窠其穴性惡等鳴臬前
文竹閣詩 卷七

五

身蒼鷹化搏擊不辭勞卵生八九子索哺聲嗶嗶羽毛
未長成風雨嘆飄播室毀雛亦傷先笑後號眺一枝孰
安穩俯視羨鷓鴣

瀟瀟風雨過得得故人來微涼消海暑枕簟淨塵埃談
言素心愜懷抱頽爲閒清樽藏有酒相對把金壘暢飲
不辭醉放浪忘形慨浩然思在古俯仰費徘徊兮明
所伏福兮禍所胎人生適其適初鬱胡爲哉

偕雷竹安同年遊大士禪林訪鈔光上人喜晤王

鶴丹

載熙

茂才

看得浮生眼吟空因過竹院與僧逢笑余遭際同王播

正打齋堂飯後鐘

此間何幸晤良朋
握麈高談最上乘
結得因緣香火在
靈臺四照悟傳燈

龕開繡佛暑全消
字寫金經著意描
緣到諸天參色相
碧紗窗外有芭蕉

戶外車聲觸熱忙
絲牽傀儡競登場
何如靜向蒲團坐
消受南薰一枕涼

贈張六琴

家駒

同年

山水結因緣
年少輕別離
光陰逝流水
鬢髮易成絲
行本殊途會
合自有期
顛晦各異勢
出處雜歡悲
心靜

文竹閣詩

卷七

美

不知暑行樂
須及時
起曠愜幽獨
藉以慰心知
身世如浮雲
飄飄安所之

鶴立雞羣中
矯矯誰與儔
翩然忽高翥
曾從滄海游
風雲多變幻
關河阻且修
豈畏繳與弓
知止還山邱
毀傷到薪木
故鄉不可留
暫息棲重岡
和聲好友心
暫看附鳳飛
健翮搏高秋

訪帥逸齋

遠暉

太史不值

君家黃梅驛
我家海門關
同住大江頭
斜對小孤山
相距百餘里
一日舟可還
咫尺若千里
蒼葭秋水寒
豈弗通聲氣
相知原有年
如何空溯洄
風骨想高騫

憶昔同居燕往來
迺名箋獨踏蓬山頂
游戲到塵寰
不憚行役苦
詎識離別難
今自豫章來
小駐湘西灣
欲問鄉關事
謂當親芝顏
白雲常出岫
一見終緣慳
仙人海峰立
可望不可攀

送佟秋舫

漢源

明府同年之官沅江

廿年蘭譜訂前因
三載同寅意倍親
聽唱驪歌羞餞別
使星知我客囊貧

纔下虛堂一鼓琴
薰風解愠德愔愔
還期此出爲霖雨
早憫蒼生引領心

美人香草滿湘汀
過客曾留眼角青
澧有崇蘭沅有芷
文竹閑詩

卷七

七

好教培植共升庭

行旌挽住楚江隈
臨別流連艇未開
我是馬當山下客
何時一席好風來

來黃子春

澤熙

明府卽送其之官湘鄉

飛躍判天淵
鳶魚儔能識
出入憑山谷
風雲竒難測
踪跡迥不侔
欲名各莫得
相與論行藏
先後分通塞

縱情覽今古
抗心希唐虞
超然離塵網
落落故人疎
澹泊行吾素
窮年臥遽廬
勿藥忽有喜
子才來干旟

杜陵建廣厦
一木原難支
禱禳等荆棘
拳曲安所施
直

心抱松柏冰
霜勵操持
翹才儲棟梁
維工必度之

芝陽君故土四郊多甲兵龍城吾舊居尙未掃櫬槍雜
楚力援手惻惻動中情幡然出東山此意爲蒼生
清風來戶牖拂除我塵襟結交豈在多相知貴以心慤
慤惻忱釵懇懇箴規深合志幸同方偉業聽頌聲

季夏偕雷竹安陶遷之勞基田郭挹西重遊李文

恭公花園

地本在市廛景却如澗谷山中宰相家樂享林泉福我
來居是邦高峰仰嶽麓廣厦千萬間園林情不俗春風
桃李開蘭芷賸芳馥飛躍徹上下清華湛水木漱石又
枕流移船前溪曲舍舟復登岼藤蘿覆老屋林鶴是交
文竹閣詩卷七

天

遊詎止友麋鹿靜裏一盤桓夢中猶往復今來門正開
無煩叩剝啄何須問主人援例徑看竹一庭種芭蕉窗
開天俱綠池畔雨初過紅蓮花簇簇好借碧筒杯呼童
采一束釀酒齒流馨絕勝葛巾漉日夕草迎涼天氣忘
三伏開軒風可招臨水月可掬曰歸且流連好景看不
足更約酌寒泉一棧待秋菊

聞何賡堂

煥章

三尹訃音以詩哭之

嶺南風具種梅心

君籍隸粵東

官閣重開月滿林方擬襟懷

銘鐵石何期風雨感人琴投輕縞紵將情達

去歲初晤曾贈藹硯

易巾等物

報乏瓊瑤抱愧深旅視蕭條歸未得秋墳夜半聽

哀吟任新城巡政廳身後兩袖清風遺觀俱不能歸

謁三忠祠弔江忠烈塔忠武羅忠節

三峰鼎峙著忠貞，砥柱南天並抗衡。敢死實能扶社稷，立功何必藉科名。一腔義憤生無忝，千載馨香歿有榮。獨惜遺容瞻未得，麒麟閣上畫難成。
三公俱供木王未畫遺像

貧婦吟

我本貧家女，自幼工刺繡。織成雲錦裳，巧與天孫鬪。一從嫁夫君，所執惟箕帚。金鍼度小姑，讓繡鴛鴦偶。乃仍壓金線，成還催急就。為逞嫁時衣，無分夜與晝。我手荆棘生，裁縫多掣肘。美錦慚學製，絲絲難入扣。花樣世翻文，竹閣詩卷七元。
新密織兼細縷，迷目是五花。恐莫辨好醜，重下繡裳帷。愧對閨中秀。

湘南舟次遇風口占絕句

楚山稠疊楚雲多，一葉扁舟泛汨羅。捲起蒲帆揚不得，驚心從此慎風波。

風高舟不能開，登岬信宿。犬士精舍，暗鈔光上人。秋高楚天清水，水淼湘江。迥風雨助波濤，天心或示警履。險曷如夷，招入菩提境。香散白蓮花，月上梧桐影。酒貯碧筒杯，泉煮靈山茗。滌盡舊塵根，小臥醉忽醒。悟空世慮消，入定道心靜。暮鼓與晨鐘，令人發深省。

烹魚戲東莊他山朱亦蘭

我生非釣徒喜與烟波接秋水正澄清漁家俱停楫
江夕陽斜沿堤紅樹疊忽來賣魚翁鮮鱗手一捻白白
入饌來舉杯浮竹葉豈不思莼鱸對茲意頗愜座中有
馮驩且莫彈長鋏

舟行卽景

湖頭雨過碧波平好借天風破浪行兩岸層巒橫翠黛
望中隱約不分明

布帆斜挂度湘南一棹雲深鎖翠嵐屈指江程行九十
好安船處是昭潭

文竹閣詩

卷七

三

薄靄初收暮景蒼乘風一席飽斜陽漁舟傍晚無人唱
孤負湖天月色涼

烹鮮何處索銀刀漫擬坡仙賦老饕轉憶江鄉風味永
酒邊夜夜手持螯

鼓瑟由來聽楚江無才未敢問湘靈多情誰掬相思淚
猶見江峰竹影青

瀟湘一幅畫圖開秋水蒼葭好溯洄人隱蘆中看不見
數聲欸乃過江來

展畫多年欲望衡今朝九面看雲生爲賓更遇隨陽雁

過浦回峰送有聲

村烟迤邐接平疇一帶人家慶有秋更喜黃雲收四野
開場遺策稱孫樓

上灘

滔滔淼水勢瀾漫誰祇中流力挽瀾老我江湖逾膽小
下灘容易上灘難

江干不定去來波况復攔江疊翠螺夷險無常多變幻
一帆須趁好風過

寄懷周獻臣親家

衛源發蘇門君久宦遊地楚雲開獄麓我身亦曾寄鴻
雁南北飛絕少相思字踪跡兩人同頻年不得意

文竹閣詩

卷七

三

蒲腹聚牢愁徘徊難下筆又復阻烽烟機事益宜密以
此斷音書近况不能悉最難忘謝家先同嬌女疾

憶容共城日君正憂熊羆稱賀來髯翁宜男畫一枝隔
別條三載應是識字時未稔南關畏尙可詠新詩

君移居汴梁全家有喜色我今蒞承陽唯一子在側關
河路迢迢別離常惻惻何日遣雙魚寄書親手泐

書江忠烈公遺集後

詩以道性情言殊無味不必迫宋唐奚事摹漢魏唯
公傾吐真一吐懣義氣卷帙雖無多吉光足寶貴

文竹閣詩鈔卷八

彭澤 許 標 赤城

初蒞承陽公餘之暇東林端甫 廷式 刺史

春風結契叙壺觴何幸知心聚一堂笑我宛如新嫁婦
未諳姑性請先嘗

世局如棋整復斜記逢敵手坐燈花滿盤黑白渾迷目
觸手須防動著差

飲啄時禽西復東者番真似入籠中休誇高翥同鷓鴣
折翼由來是順風

聯盟應不負初心早服資江治譜琴還冀業言頻錫我
文竹閣詩 卷八

好懸座右作官箴

八月初二日得周獻臣親家泮梁書並新編詩稿

數卷喜賦卻寄

琴堂連日正相思忽接瓊函喜不支牘有深情嗚近況
更垂青眼贈新詩升沈莫定隨行止山水多緣感別離
最愛耽吟成結習等身著作手勤披

火色鳶肩氣概雄早知骨相不終窮棋觀結局何妨劫
戰仰偏師好再攻誇訕無端憐屈子歸來且莫學陶公
功名須畫凌烟閣縱熟黃梁夢未終

聞郭砥瀾 世間 伯親家卒於星垣之清漢樓用賦

長律卽以寄晚

無端星宿隕郎官，忽喪斯文淚不乾。
老去詞場增感慨，年來宦海歷波瀾。
襄陽多病思歸里，靖節忘貧早挂冠。
太息風流今歇絕，抱琴古調更誰彈。

藉甚循聲郭細侯，蔦蘿松柏託千秋。
兩家情洽關休戚，三載交深遞唱酬。
藥備參苓頻貯籠，花開棠棣屢登樓。
只餘兩袖清風滿，誰似純仁助麥舟。
閱盡繁華眼界空，清廉原是舊家風。
才非百里徵麗士，博覽羣書逸太冲。
一夢誤教塵網落，閒愁時借酒兵攻。
不堪重向黃墟過，餞別香猶貯碧筒。

文竹閣詩

卷八

二

抱將遺恨到重泉，意謗頻加莫問天。
藥覓金丹誰補救，冤沈苦海竟難填。
幸存直道循稱吏，到底風人謫亦仙。
悵絕孤兒扶旅櫬，歸山無計阻烽烟。

李少珊

鳳翎

少府以中秋無月卽景二首見示卽

次原韻奉答

今夕伊何夕，桐開月未來。
忽聞飛雨到，恰喜爲詩催。
俗累吟情減，心閒笑語陪。
最難忘結習，猶夢秘書臺。

祖_時聞雞舞吟鞭，著獨先。
嫺嫺城擁百奴婢，櫺盈千_贈

新_橋對景懷前夢，看花記妙年。
雲開終見月，莫負九秋天。

承陽官廨喜蔣申甫

奇琦

鍾伯平

啟峒

過訪

案上塵封疊作堆，簿書鞅掌迫相催。祇言俗吏離羣久，何幸諸仙結隊來。養晦暫時開竹徑，善書自昔重蘭臺。翻憐見面旋分手，折柳慚虛酒一杯。

次張蔗泉

敬鵬

廣文九日登高感懷元韻

衡峯壁立雁行高，一路松風爽送濤。賸有閒情憑選勝，帶將酒典又爭豪。孤鳩舊跡留雙爪，老鶴長鳴徹九皋。絕似麻姑尖指甲，時於癢處任爬搔。

沅湘浩浩賦懷沙，日暮悲風慘聽笳。宦海飄零同作客，故鄉搖落苦無家。欣逢令節聯今雨，翻喜吟情觸晚霞。愧對騷壇難入社，棋城酒國讓生涯。

文竹閣詩

卷八

三

東洲晚泊

晚泊伊何處，東洲第幾灣。四圍皆是水，有樹亦如山。蜩舍燈初上，禪房戶不關。差欣拋案牘，半日得身閒。

登迴雁峯

一峯插天半，梵宇亦崔巍。旅雁尚知返，征人猶未迴。

宿車江精舍

小市開精舍，塵氛一洗空。涼凝桐葉露，香送菊花風。酒薄傾難醉，燈殘焰墮紅。雲天開晚霽，皓月入簾櫳。

遣子南歸口占

到處尚干戈，歸途喚柰何。臨行無別囑，隨地慎風波。

左景喬 宗植 中翰主講石鼓書院招飲浩然亭

一帶垂楊綠上亭皋比座上正橫經言尋古蹟摹碑版
爲遣閒情載酒餅舊夢同縈丹桂窟新銜讓署紫薇星
太冲久仰羣書覽蘭芷爭升著作庭

勸友

人生當貧賤抑鬱不得志及其膺富貴猶然弗如意
翻笑天壤間恒多缺陷事詎知七尺身我生原如寄思慮
最苦人天年損賢智曷若澹萬緣惟安命與義

黃吉士 元淑

之官四川歐陽虞生

銘常

之官陝西

道經衡州挽住行旌賦此贈別

文竹閣詩 卷八

四

出岫青雲客聯鑣駐錦鞍從容經蜀道踴躍上長安觀
我資先訓親民是此官 清暑題有觀我親民二額 相期同黽勉杯酒

話更關

起步

旅館不成夢起步漏更長寒燈黯無色流螢飛有光
林深月自照閣迥風微涼悠然獨心賞相對言亦忘

捕蝗行

噫嘻乎悲哉黑雲翻墨排山來團聚成片千萬堆短小
精悍能跳躍秧田已遭无妄災適時體重無羽翼憑依
草根飛不得趨此猶可力挽回轉瞬奇禍將莫測最恨

鄉民愚且誣奉爲神明不忍誅不思葩經書秉畀蜮醜
蝨賊宜驅除去年遺子深入土不惜捐金多方取爭柰
未盡絕根株當春發生猛如虎曷弗翦滅蠕動時多製
巨箒編竹枝掃盡餘孽椎且搗積薪焚之懸釜炊猶虞
湯網有遺漏相其地勢往拯救設溝掘坑寬而深徐徐
引入加土覆總之待蝗如待敵隴頭宜多樹旗幟或鳴
金鼓揚其聲或具鎗爆備其器縱有飛蝗來四鄰畏厥
威靈莫敢停飄然直渡不入境就令成災亦較輕但願
士民齊努力先事預防始有濟但願同寅合嚴飭督課
慎毋曠厥職

文竹閣詩

卷八

五

關情

如山案牘正勞形
底事治裝忽遠征
除蠹好教希翦氏
催科不敢作陽城
明知憂樂分先後
要識寬嚴有重輕
輾轉繩牀渾不寐
當前民物最關情

偕唐寓吾廣文王石泉

第信宿迎秀寺

攬勝叩精廬探竒拜石丈
招邀同心人信宿翠微上
徑曲白雲深澗冷風泉響
時聞鐘磬音頓覺心魂爽
萬籟諸天靜超然脫塵網
相與話烟霞孤芳還獨賞

過古廟

空門深鎖入雲斜
斷碣殘碑碧蘚遮
何處衽檀香撲鼻

祇園薜葡正開花

鐙下與唐玉書王石泉話別

吹笛何人折柳枝
車停門外聽歌驪
楊花不是無情物
飛上長橋縮別離

留別

山色彎環碧玉城
溪流曲折有餘情
旗亭誰唱陽關曲
惟有流鶯不惜聲

得清元甫吉同年書

久道歸燕薊猶羈楚水濱
艱難還惜我流落正愁人
可悔疎兼嬾何堪老更貧
天涯少知己折柬亦傷神

文竹閣詩卷八

次唐寓吾廣文見贈原韻

不是驚秋到胡然扼腕悲
賈生爭獻策杜老合憂時
劍古看應拔杯長醉不辭
明朝偏告別各路定相思

宿排山

犬牙相錯各分疆
烟杪遙連算一鄉
祁陽清泉
交界地方行到茲
山天色晚分雲許
借半間房

雨行宿田家

寂寞度殘春
清和正首夏
一曲雨霖鈴
山高紅泉瀉
行行衝濕泥
腳跟雙不借
禽聲聞鷓鴣
人烟籠桑柘
園丁花顏移
村姑衣趂嫁
笑語喧兒童
分秧爭學稼
因之招

老農桑麻話茅舍星駕稅中田山碓春午夜

食魚

銀刀出水佐朝餐羨煞河魚正上竿解我清饒供七箸
抱將長缺有誰彈

見燕營巢感賦

翦水穿簾鎮日忙知逢戊巳費商量卻虞十二珠樓掩
未許銜泥結畫梁

雨後山行過隆興寺重宿鐵關僧舍

天氣陰復晴驅車出南郭行經水石間又復入林壑花
霧堆濛濛毒雨飛漠漠眾緣生千章時禽欣有託最愛

文竹閣詩

卷八

七

方外遊高談接行腳孤燈明一龕寒泉飲一勺風餘松
起濤雲垂竹解籜曹滌塵勞心始識山林樂出門舊路
尋西山日初落不意蕭湘月先已登高閣夜深聞清鐘
松高棲白鶴貰酒招同人不負三生約

送王魯園

太守回京就養

楚雲萬壑青楚水三湘白雲水何纏綿多情送遠客客
從江南來曾抱庾信哀無家回皖水解組返燕臺屢履
山林地猶存廊廟志有子紹箕裘家聲殊未墜移家近
日邊至樂終餘年宣罷傳家訓更著養生編

泉溪晚渡

楊柳長堤外，聲聲喚渡歸。帆隨湘水落，鴉帶夕陽飛。馬
走流星驛，漁歌釣月磯。百忙閒亦得，小憩卸征衣。

宿劍山義塾

卓立山如劍，堂開傍極星。塾在北極殿後照來孤月白，坐對一

燈青。恰有書聲徹，頻驚旅夢醒。義門長願闢，莫被楚雲

高

阻雨

半樓風入松，幾點雲翻墨。空江流有聲，東窗日無色。前
山鷓鴣啼，聲聲行不得。

哭姪竹友

四月廿一日子時卒於清泉署中

文竹閣詩

卷八

八

修短從來聽自天，招魂胡向楚江邊。驚心烽火身無著，
徧體瘡痍病復纏。翻悔飄萍來幾日，可憐蓄艾歷三年。
人間莫覓長生藥，料返蓬萊問列仙。

先世圖書擁百城，傳經還望繼家聲。鶴鴒急難原相顧，
蟻蝨功名竟未成。篋裏征衫餘宿酒，案頭遺稿見真情。
淒涼易動家人感，又爲摧殘百感生。

椽汝高堂兩鬢華，西河抱慟又天涯。肝腸欲絕難爲客，
魂魄能歸未有家。玉樹癡思遺碩果，瑤臺何苦現曇花。
吳雲楚雨遙相隔，話到還山淚轉加。

詠鄧梅溪

射

孝廉送酒

貫酒須勞破百緡天涯幾見白衣人獻酬竟出牀頭釀
相與酣眠一甕春
餅餌浮香正麥秋郵亭隨處壓糟邱知心帶月邀同醉
爲我新澆一段愁

宿霽杯寺

鬢絲禪榻漫相催一座蓮臺墮劫灰老衲早教平意氣
神仙端合愛尊罍松間籟發風初到竹裏琴停月未來
一盞寒泉烹活火茶園清夢五更回

由楊武橋抵冠市宿龍旺廟後殿

山市曉拖嵐柳橋晴飛絮不意經崇岡又到水窮處諦
文竹閣詩卷八 九

聽憫風泉潺湲向西去荷風送微香槃澗步忘暑雲水
合迷茫低眉悄不語河畔芳草深欲行屐齒阻穿徑別
尋幽一僧久延佇香火不荒涼脩葺新殿宇丹竈火流
紅冷滌丹華煮涼生塵榻醒疎鐘敲一杵彌勒許同龕
臥遊快羈旅

自澗橋沿堤而上爲行潦所阻遂折西南繞山而

行

有客來亭午湖天映夕暉風號萬竅響寒翠空無依想
當暑雨過泉注翻珠璣芳田添新漲江岸歿漁磯垂楊
翠如滴暮雲濕不飛茫茫徧大野空寂人行稀地險不

憚越策騎一鞭揮欣偕比翼鳥競向前林歸更上千仞
岡從茲一振衣

經人和墟愛羣山秀峙小憩山家茗飲

矯首思凌雲諸峯列在目風古無新香雨過生翠綠林
端秀孤松頻招白鶴宿山腰雜疎篁爽籟能醫俗雞犬
別成村依巖結茆屋兩扇扉開空庭過飛瀑居人篔
流泉新茶煎正熟旣暢滌塵根彌快膾清馥翻羨山中
人消受林下福

行抵茶溪投興龍山壽佛殿宿

下山經小肆日落生微寒藤蘿隔諸天金碧飄雲端禪
文竹閣詩卷八

十

榻袈裟布合十肅僧官隨鐘入上界妙香聞旃檀得證
靜者心無言坐蒲團幽懷寄瓶鉢身世付達觀枕流茶
夢圓風泉聽湯湯晨興獨危坐皓月升闌干明當發長
嘯鸞鶴棲仙壇

夏夜卽景

六言

空巖石壁雲開前渡楊林雨歇招來四面清風洗出半
天明月

晚渡耒河

湘天雨霽流霞明飛鴉亂噪夕陽晴江上青山盪空碧
平沙極浦涼潮生消夏灣開天更濶水香送秋風逾清

十幅蒲帆飛樹杪渡口行人喧譁爭相逢意外醉篷底
忘機自狀蕭疎情入畫誰寫江城照挈伴但乞閒雲行
頻驚水田鷓鴣起徐聽池畔蝦蟆鳴息我塵勞通幽徑
山樓暮擊清鐘聲不信空門牢鎖鑰且乘明月敲三更
聞九江粵匪盪平誌喜二律

齊聲鏡曲唱江州澤國安瀾別派流威震東南壁壘
氛銷吳楚扼咽喉回瞻烟水真如夢過耳琵琶易感秋

城外烟水亭琵琶亭
諸勝地焚燬殆盡

我是鄱陽湖上客鄉音報捷釋羈

愁

早識天心悔禍藏忍教變易感滄桑樓招明月仍懷庾

文竹閣詩

卷八

十一

廬結青山尚姓匡六載戈矛關氣運百年者舊半淪亡
劇憐徧地瘡痍甚補救還資善後方

宿松山庵

一徑通幽壑諸峯接白雲方塘開半畝古屋約三分野
鶴巢深樹飛鴉噪夕暝盤桓松下誓爲息勞筋

秋日郊行雜詠

西疇入語慶豐穰秋稼雲收萬頃黃螭螿亦知王稅重
含芑赴海樂輸將
數家門掩舊柴扉露積平林樹樹肥任是茅龍增色相

沿村一帶正更衣

木犀原是不凡材，鄰院分香冒雨開。認得前身金粟影，
今宵夢合到天台。

西風送爽草蟲鳴，似話炎涼訴不平。莫怪歐陽多感觸，
最關情處是秋聲。

曹頴生

澍鍾

由川臬移藩粵西道出衡州詩以送

之

槐夏舒長正午陰，隨車雨沛使君霖。甘棠舊蔭分巴蜀，
福曜新移指桂林。放膽喜談當世事，推誠如見古人心。
黔黎望歲情彌切，待洗烟塵耳捷音。

時平梧等郡
正待收復

輓佟秋舫

漢源

同年

文竹閣詩

卷八

十三

火色鳶肩壯大觀，封侯夢卜到邯鄲。

秋筋美儀容

誰知骨相

無憑準也，只頭銜七品官。

芳鄰纔結楚江濱，同榜俄驚少一人。聽說清風餘滿袖，

官聲最好宦囊貧。

輓李寶溪

耀珠

同年

三載維摩病骨纏，官臨磨碣竟遊仙。不堪回首滄州遠，

君籍隸天津滄州

空向招魂楚水邊。

君家累世列簪纓

令祖官至觀察年伯官至太守

廉吏兒孫副盛名，况

復鳳毛爭繼起

令嗣君登乙卯順天鄉榜

弓裘克紹振先聲。

聞計秀峯

鍾靈

孝廉客死閩中詩以哭之

生成傲骨絕攀援。品地孤高古道存。千里舟車同作客。
昔時樓閣記開樽。無端離別情猶眷。頓隔幽明淚轉吞。
君是靈均長抱恨。爲臨楚水賦招魂。

向來辛苦嘆家貧。更戀高堂有老親。祿養方思歡捧檄。
飢驅何故遠遊閩。三山魄落依誰主。一第名虛了此身。
最是不堪回首處。蓋棺室內竟無人。

送徐毓珊

嘉瑞

觀察告歸安州

洞庭秋水莫雲橫。折柳離亭不惜聲。官滿還鄉原稱意。
感深知已倍關情。棠封蔭遠猶思樹。梓里氛銷正洗兵。
時值黃花香晚節。南山歸臥景淵明。

文竹閣詩

卷八

十三

中秋偕劉煦山親家丹林五兄小飲有懷故里

樺燭分筵照酒杯。霜華休惜鬢邊催。涼迎竹徑驚風到。
影對桐間待月來。客邸團樂忘急難。故山迢遞費低徊。
嗷嗷鴻雁思安集。望到江南庾信哀。

劉篠珊

祝慶

明府之官永興。重經衡郡。贈之以詩。

瀟湘門外片帆來。共道劉郎去復回。難得攀轅迎父老。
甘棠留蔭感栽培。

文字論交訂夙因。同舟李郭笑前身。相逢休惜旋相別。
一紙潛通卅六鱗。

初度口感懷

彈指流光顧影慚今年半百又加三難忘結習閒中詠
莫練精兵紙上談午夜櫂槍驚莫北秋風鱸膾念江南
功名雞肋殊無味蕙境惟分飲水甘

杜老香山續瓣香平生奢願總難償空思廣廈遮寒士
安得長裘蓋洛陽負郭峯高迥有雁經秋歲稔喜無蝗
黃花酒熟須沈醉莫任蹉跎叩彼蒼

輓朱寅菴先生

人生乎今心則古學純乎文名則武此語昔聞黃西源
君與梅翁堪爲伍黃河昆明府題周長梅先生傳贊有
人則今心則古學則文名則武之句
君爲相國之裔孫高安朱文端公會孫世列簪纓承天恩投筆不

文竹閣詩卷八

十四

事毛錐子戴鐵兜鍪從軍門前年腰間橫寶劍斬蛟常
抱蒼生念行轅投刺晤春風聽談時事顏色變邇時快

觀瑤華篇

著有小滄
溟館詩集

瓣香敬祝南豐前開卷名姓增纏

綿雅懷天台黃杜鵬

天台黃壺舟師向詠黃杜鵬花詩
因是得名集中與其弟琴曹酬唱

多書天台昆弟是我師章門酬唱盛一時讀到代書吟百

韻彷彿白傳元微之師弟一氣原沆瀣見師執友彌敬

佩况君詩學宗涪翁同是西江聯一派方擬北面親丹

鉛手執吟鞭遊山川何意鍾期傾耳聽七條竟絕伯牙

絃西風滿耳音聞訃憑弔生芻虛一束小滄溟集手重

披此才曷可武夫目千秋何處列斯人儒林傳兼名臣

懷李午橋

文炬明府

燕北江南共往還，苔岑氣誼本相關。輪君烏化雙鳧健，

飛到羅浮海上山。

會官粵東
瓊山縣

十年客況無消息，宦海茫茫感別離。倘折梅花逢驛使，

一枝先寄慰相思。

贈鮑聽葵 聰明府

君是文壇老名宿，處為醇儒出良牧。輿蓋裘馬俱不矜，

性情誠篤貌古樸。憶昔聽鼓趨星沙，疊次多士校嶽麓。

一樽名酒細論文，與君曾剪西窗燭。今宦同舟居一方，

文竹閣詩卷八

五

淡交瓣香如秋菊，道義為重黃金輕。分雖朋友同骨肉，

翻笑余非管子才。一生知我唯鮑叔。

謝劉价夫 宗城同年惠鱉餽菊

正有鄉關夢，西風幾日思。螯教持左手，花送到東籬。味

供清尊，永香憐。晚節宜瓊瑤，無以報一例贈新詩。

雷竹安起恙假署篆甯遠喜以持贈

南山有喬松，孤高本清絕。勁直矢其心，青蒼沃其葉。深

山窮谷中幾經風，與雪磨鍊逾精神。歲寒見高節，斯材

非樛樗。豈終老泉石，阨運非所避。堅冰自然釋，所以需

棟梁工師必採擇。

豈真同尺蠖屈以求其伸耶。又入夢非復山林人念昔領民社。涉誓質明神。志存操修節。惕惕懷艱辛。茲行益努力。予言復何陳。所慮心血耗。鬱鬱勞昏晨。此身期珍重。從容展經綸。

秋郊卽景

涼風侵紫竹。夕照冷虬松。荷葉有枯色。楓林多醉容。荒園垂橘柚。高岸老芙蓉。小憩茶亭飲。禪房落暮鐘。

合江亭懷古用韓昌黎韻示諸同志

一亭矗江干。修竹環右左。蒸湘匯詞源。文篋收玉唾。石鼓鬱崔嵬。聯歡呼酒佐。維楚昔多材。寶善不貴貨。緬維

文竹閣詩

卷八

十六

昌黎公遷謫高軒過。慷慨發長吟。沈鬱復頓挫。大筆何淋漓。曲高真寡和。後起有朱張。名賢推箇箇。眾宿羅心胸。遭逢忘坎坷。洞尋朱陵幽。祠弔南陽臥。金石勒圖書。朝夕嚴督課。來學盡英才。才剛健含婀娜。那人文爭蔚。起卓犖。振羣儒。經訓卽苗畝。心地勤種播。力田果逢年。餽食療飢餓。仰止欽賢哲。遙爲江山賀。但冀精田勤。毋令荒於惰。好古訂同心。風和春滿座。應聯一瓣香。讀書萬卷破。澄江月常明。奚容縉塵泥。

再次韓昌黎韻贈黎齋崖

定源

茂才卽書其自得

偽儒妄著書空談計終左縱有偶中言皆拾前人唾仰
維竒傑士獨立鮮儔佐銘鑄史與經傳不編食貨考核
必精詳一字不放過個儻語恢諧權貴氣爲挫時抱琴
一彈音淡儔相和時磨墨半池學寫竹千箇胸次淨無
塵曷飲消壘垓得叙平原歡喚醒東山臥偷閒還讀書
朝夕無定課經畚目欲耕田荒苦無那喜君吐氣豪振
彼摛詞懦作育詠菁莪藝林名藉播時延校閱
縣試卷自笑杜
少陵飲水樂寒餓羨煞古錦囊行吟背李賀頂聽金石
聲偏能起哀情試與重開樽邀月花間坐三復服清才
語語的皆破翹首看鴻飛雪泥未能泥

文竹閣詩

卷八

七

讀歐陽文忠公全集書後

廬陵山水迴瀧岡首鍾靈秀推歐陽本諸道德爲文章
名世大儒邦家光慨自五季趨老莊鏤刻駢偶唾晉梁
力挽頽風自主張文教昌明追三唐公之勤學戒怠荒
心慕昌黎寢食忘公之歌詠多激昂李杜詞鋒生光芒
至於政蹟登賢良錦衣疊錫彌焜煌見義勇爲天資剛
直道難行庸何傷初貶夷陵歷許昌案牘反覆核精詳
繼徙滁州穎與揚自號醉翁毛髮蒼豐樂亭下歌歲禳
平山堂裏樂徜徉生平宦味甘苦嘗靡不志潔而行芳
晚年修撰集琳瑯秉筆直書兼三長蘇家昆季列門牆

臨川南豐聯瓣香余生也晚忝同鄉獲公遺稿珍標緝
竊嘆議論挾風霜如聆磬欬登公堂

題李滌甫

清海

別駕松鶴圖

胎禽本飛仙羽衣皎如玉不同鵲爭巢懶隨鶯出谷獨
居孤山中梅花守殘馥幾經料峭寒踏冰翹一足豈不
懷稻梁謀何輸野鷺常貞介石心勿啄腐鼠肉歛翅任
氈毳昂頭羞瑟縮欲證後凋緣暫向松陰伏終須天外
飛冲雲高鴻鵠

丹林五兄自衡買舟歸里抵家未及三旬條聞凶

耗灑淚和墨哭之以詩

文竹閣詩

卷八

丈

俄驚靈運乘紅塵痛定還疑信未真別不多時纔兩月
歸曾幾日甫三旬翻嫌杜老成吟癖早慮維摩是病身
槍絕東風花控甲從頭不忍溯庚申

兄於庚申五月廿九日誕降

束髮聽經共短檠老來手足倍關情姜家大被宵同夢

田氏分荆合復榮

庚子因家口眾多析烟 兄以標準又將北上仍與同居歷十年之久

北風波會閱歷

兄壯歲時會北運十載

楚南山水記行程依依何

止堦筮協親切終當勝友生

急難何堪路更歧客中怕讀鶴鴿詩西堂夜雨增惆悵
南浦春波賦別離江漢好尋歸路景衡湘還約再來期
誰知分手登程日竟是終身永訣時

書畫名齊米老船病中猶記灑吟箋牀空風雨形聲寂
草滿池塘涕淚漣篋裏遺編留削劖壁間殘墨尙新鮮
雪鴻爪跡泥痕在愁見西風雁影翩

孫毅侯

昌凱

副戎招飲瀟湘舟次卽席賦謝

湖畔波平一鏡開將軍愛客解憐才雲移驛柳飄旌旆
影掛征帆入酒杯賸有涼生梅雨過誰將馥送藕風來
輪君策馬還鄉國畫錦堂成傍水隈

文竹閣詩卷八

十九

